



## KOMUNIKADU DE-IMPrensa

### LANSAMENTU PROGRAMA NASIONÁL KAMPU DIJITÁL

Dili, 30 Novembru 2020

Banco Central de Timor-Leste iha loron 29 Novembru 2020 halo lansamentu ba Programa Kampu Dijitál iha postu Administrativu Maubisse, Munisípiu Ainara.

Programa Kampu Dijitál nu'udar Programa Nasionál ida ne'ebé Banku Sentrál inisia hodi promove utilizaun servisu finanseira dijital iha Timór-Leste. Programa ida-ne'e mós ninia objetivu atu estende, iha médiu-longu-prazu, pontu de-asesu ba servisu finanseiru ida mak integradu no interligadu ne'ebé sei kobre área rurál sira.

Partisipante sira husi instituisaun finanseira ne'ebé hola parte iha Programa Kampu Dijitál mak sira ne'ebé integra ona iha *mobile switch* sistema P24 nian. Agora daudaun foin BNU Timor – Grupo Caixa Geral de Depósito no Telemor Fintech, Lda (ho ninia produktu MOSAN) mak integra ona iha *mobile switch* sistema P24 nian.

Sistema P24 agora permite ona kliente sira bele halo transferénsia husi konta bankária ba konta karteira eletrónica ka e-Wallet. Fasilidade ida-ne'e sei lori benefísiu ne'ebé boot tebes la'ós de'it individuu sira maibé mós ba empreza sira atu fasilita sira-nia atividade negósiu ne'ebé sei lori efisiénsia ne'ebé boot tebes ba ekonomia iha longu prazu.

Serimónia lansamentu Programa Kampu Dijitál hetan apoiu másimu husi autoridade Postu Administrativu Maubisse no comunidade ne'ebé entuziásmu tebes partisipa iha eventu sira ne'ebé organiza husi Banku Sentrál.

Iha okaziaun hanesan mós selebra Dia Nasionál de-Poupansa ba daneen.

**[Ramata]**